

Bilbon, 1993ko urriaren 29an
Ageriko batzarrea

Haritschelhar, J., euskaltzainburua
Lékuona, J.M., euskaltzainburuordea
Knörr, E., idazkaria
Arana, J.A., diruzaina
Altuna, P.
Azkarate, M.
Charritton, P.
Davant, J.-L.
Irigoyen, A.
Krutwig, F.
Larre, E.
Ondarra, P.
Oyharçabal, B.
Salaburu, P.
Sarasola, I.
Satrustegi, J.M.
Villasante, L.

Aurrekoetxea, G.
Badiola, R.
Barrenengoa, F.
Eguzkitza, A.
Etxebarria, J.M.
Gandiaga, B.
Gereño, X.
Lizundia, J.L.
Muniategi, A.
Rotaetxe, K.
Ruiz Urrestarazu, M.M.
Uribarren, P.
Urkijo, I.
Zearreta, J.J.

lehen zerrendaren ganean zalantzak sortu direla esan du. Azkenik, E. Erkiaga zenaren hutsunea betetzeko egin den hautaketaren emaitza jakinarazi du eta X. Kintana jauna euskaltzain berria dela jendartean adierazi.

Bilbon, egoitzaren beheko aretoan, 1993ko urriaren 29an, eguerdiko ordubatean, egin du Euskaltzaindiak ageriko batzarrea, alboko lerro-kadan aipatzen diren lagunak bertan zirela. A.M. Labaïenek, Tx. Peillenek, J. San Martinek, P. Zabaletak eta A. Zavalak ezin etorria adierazi dute. Euskaltzain oso eta urgazleez gain, jende asko zen aretoan. Toki berezia eman zaio P. Broussain euskaltzainaren iloba den Maider de Courson andereari.

Lehendabizi, goizeko bilkuren berri eman du Idazkariak. Erregelen berriztapenaz mintzatu ondoren, eta bereziki euskaltzainak euskalkiaren edo bizitokiaren arabera hautatzeari buruz aurrerantzean izango diren irizpideez, ahoskera batzordearen eraketa aipatu du. Gero, Euskaltzaindiak Bilbao Bizkaia Kutzaren laguntzaz urteoro antolatzen duen literatur sariketarako epaimahaikideak zein izango diren azaldu du. Orobat, Nekazal Hiztegiaren

E. Erkiaga euskaltzain zenaz txostena

Ondoren, Akademiaren ohitura jarraiki, ekainean zenduriko E. Erkiaga bizkaitar euskaltzainaren bizitza eta lanak gogorazi ditu L. Villasantek. Erkiaga jau-

naren zintzotasuna eta literatura alderako jaidura nabarmendu ditu oroz gain hizlariak bere txostenean.

P. Broussainen ondarea

Egun sartu da Euskaltzaindian P. Broussain zenaren ondarea, familiak emana. Hori dela-eta, P. Charritonek egin du hitzaldia, Broussain jaunaren bizitza eta lanaz halaber. Haren garaia, karguak eta euskara eta euskal kulturari buruzko asmoak eta ahaleginak aipatu ditu lehendabizi. Euskara bateratu beharra kezka handia zitzaiola esan du eta Euskaltzaindiak hari eta A. Campioni aginduriko txostenean Broussainek parte handiena izan zuela azaldu. Azken hitzak esker onezkoak izan dira Broussainen familiarenganako, berak tesia egin zueneko aroan eta gero ere bidea errazteagatik eta Euskaltzaindiari ondarea emateagatik.

J.A. Arana bibliotekaria mintzatu da ondoren. Paper hauen kondaira egin du eta esker ona agertu dio berebat Broussain familiari, bereziki aretoan zen Maider de Courson andereari.

Gero, J. Haritschelhar euskaltzainburuak, euskaraz eta frantsesez, esan du egun ederra zela egungoa. P. Broussainek bere mundualdian izan zituen ohoreak aipatu ditu (alkatea, kontseilari orokorra, euskaltzaina, etab.) eta orain paper baliotsu horiek ikerleen eskumenean izango direla azpimarratu. Hark ere Maider de Courson anderearekiko esker ona agertu ondoren, Euskaltzaindiaren brontzezko domina eman dio. Dominan data eta zioa daude zizelatuak.

Azkenik, mintzaldi llabur batean, de Courson andereak eskerrak eman ditu eta pozik agertu da haren aitona hain maite zuen Euskaltzaindiari ondarea eman ahal izanagatik.

Jean Haritschelhar,
euskaltzainburua

Endrike Knörr,
idazkaria